

Kapya môn̄ atu ba Pol hatô hi Tesalonaika

Abô môn̄

Tesalonaika ma malak bêñ hamô ñgwêk dañ. Avômalô loñ êñ ma hatôm 200,000. Plovins Masedonia iniñ gavman êmô Tesalonaika ba eyabiñ plovins.

Pol bôk hawa Abô Mavi ba hi Tesalonaika, ma doñtom ñê Israeł doho leññmaniñ. Ba intu hasôv ba hi Belia vêm ma hi Atens vêm ma hi Kolin (Ap 17-18). Yani hayô loñ êñ ma hatô kapya êntêk hadêñ avômalô Tesalonaika. Yani bôk hamô haviñ avômalô Tesalonaika sawa bidoñ ma hatak i ketheñ ba hi ba intu hatô ek embatho iniñ êvhaviñ loñ ek nimiñ lôklokwañ esak malaiñ. Ma hatô abô hathak Wapômbêñ anêñ lahaviñ takatu ba nêmo lo nembeñ esak lôk malêla takatu ba tem êpôm ñê êvhaviñ takatu ba bôk ema hadêñ waklavôñ atu ba Yisu miñ halêm pik ami denañ.

Êntêk ma Pol anêñ kapya môn̄ atu ba hatô hi ek thêlô hadêñ 51 AD la.

Pol hêv lamavi

1 ¹Ya Pol ma Silas lo Timoti ato kapya êntêk hadêñ môlô avômalô ôêvhaviñ takatu ba ômô haviñ Kamik Wapômbêñ lo Anyô Bêñ Yisu Kilisi anêñ Tesalonaika.

Wapôm lôk labali êmô imbiñ môlô.

Pol lamavi hathak avômalô Tesalonaika iniñ êvhaviñ

²Wak nômbêñ intu sapêñ ma yêlô aêv leññmavi hadêñ Wapômbêñ hathak môlô sapêñ ba ateq mek ek môlô ma miñ atak ami. ³^bYêlô amô alalôaniñ Kamik Wapômbêñ thohavloma ba leññhabi môlônim ôêvhaviñ anêñ ku lôk lemimhaviñ avômalô ba ôêv i sa lôk ôêv malemim ek alalôaniñ Anyô Bêñ Yisu Kilisi anêñ waklavôñ endelêm ba umiñ lôklokwañ.

^a 1:1 Ap 17:1-9 ^b 1:3 1Ko 13:13; Kol 1:4-6

⁴Aiyaŋ thêlô, Wapômbêŋ lahaŋiŋ môlô ba yêlô ayala nena bôk halam môlô yôv ek numbitak yani anêŋ ⁵ek malê nena môn anôn ma yêlô aêv Abô Mavi hadêŋ môlô ma miŋ halêm hatôm abô oyaŋ ami. Mi, halêm haŋiŋ lôkliŋyak lôk Lovak Matheŋ ma kapôlônŋiŋ anôn. Ma môlô oyala kobom takatu ba yêlô bôk adum amô môlô malêvônŋ ek hêv môlô sa. ⁶Wak êŋ ma môlô ôpôm malaiŋ lomaloma, ma doŋtom owa abô takatu thô lôk kapôlômim mavi atu ba halêm anêŋ Lovak Matheŋ. Udum aêŋ ba intu oŋopa yêlô lôk Anyô Bêŋ veŋiŋgwam. ⁷Êŋ ma hatôm môlô uik loŋôndê mavi thô hadêŋ avômalô êvhaviŋ sapêŋ anêŋ ploŋins Masedonia lo Akaia. ⁸Ma anêŋ môlô ma Anyô Bêŋ anêŋ abô hi yaŋiŋ ba halaŋ hatôm lavuak hêk Masedonia lo Akaia. Ma doŋtom miŋ hamô loŋ êŋ iyom ami. Mi, avômalô pik sapêŋ elanô abô hathak môlônim ôêvhaviŋ Wapômbêŋ. Aêŋ ba yêlô a loŋ buyaŋ ma thêlô bôk elanô yôv. ⁹Ma enaŋ nena môlô owa yêlô thô mavi anôn ba otak unim ŋgôk ma ole am liliŋ ek udum Wapômbêŋ avanôn atu ba hamô lôkmala anêŋ ku. ¹⁰Lôk oyabiŋ anêŋ Nakaduŋ atu ba bôk hik liŋ hêk ŋama. Yisu tem êlêm anêŋ leŋ ek nêŋm alalô vê êŋjêk waklavônŋ lamanŋiŋ atu ba tem imbitak embeŋ yam.

Pol anêŋ ku takatu ba bôk hadum hêk Tesalonaika

2 ¹Aiyaŋ thêlô, môlô oyala nena yêlô bôk ayô amô haŋiŋ môlô ma miŋ aêv yak ami. Mi, ku êŋ hik anôn. ²Ma môlô oyala nena yêlô bôk awa vovaŋ lôk mama hêk Pilipai. Vêŋ ma yêlô atak Pilipai ba a môlônim loŋ ma Wapômbêŋ havatho yêlô loŋ ba hêv yêlô sa ek miŋ nakô esak ŋê lôklokwaŋ takatu ba imiŋ yêlô loŋ siŋ ami. Aêŋ ba intu anaŋ Wapômbêŋ anêŋ Abô Mavi hadêŋ môlô. ³Abô takatu ba yêlô aŋoŋ môlô lokwaŋ miŋ halêm anêŋ auk lokbaŋ lôk auk lôŋgôlônŋ ma adum ek nasau môlô ami. ⁴Mi anôn. Wapômbêŋ bôk hayê yêlô nena hatôm ba intu hatak ku nanaŋ anêŋ Abô Mavi bêŋ halôk yêlô baheŋiŋ. Aêŋ ba yêlô miŋ anaŋ abô ek indum avômalô leŋiŋmavi ami. Mi, yêlô adum ek indum Wapômbêŋ atu ba hatitiŋ yêlô kapô mavi. ⁵Môlô oyala nena yêlô miŋ anaŋ abô ek nadôk môlô lemim mena nasau môlô ek naja môlônim nômlate ami. Mi anôn, Wapômbêŋ da hamô ba hayê yêlô. ⁶Ba intu miŋ adum ek môlô mena avômalô la nebam yêlô ami.

⁷Yêlô ma Kilisi anêŋ aposel ba intu hatôm nateŋ môlô ek nônêŋ yêlô sa. Ma doŋtom dô, yêlô bôk amô labali mavi haŋiŋ môlô hatôm avi te hayabiŋ anêŋ nali. ⁸Sêbôk ma yêlô leŋiŋhaviŋ môlô bêŋ anôn ba intu yêlô leŋiŋmavi ba aêv Wapômbêŋ anêŋ Abô Mavi hadêŋ môlô lôk yêlô aêv yêlôda haŋiŋ ek malê nena yêlô leŋiŋhaviŋ môlô bêŋ anôn. ⁹Aiyaŋ thêlô, lemimimbi ku takatu ba yêlô bôk adum amô haŋiŋ môlô. Yêlô amô

^c 1:5 1Ko 2:4-5 ^d 1:6 Ap 17:5-9 ^e 2:2 Ap 16:19-24; 17:1-9 ^f 2:4 Gal 1:10

^g 2:9 Ap 20:34

ek anaj Wapômbên anêj Abô Mavi, ma doŋtom wak lo bôlôvôn ma adum ku bêj haviŋ ek napôm nôm nanŋaj ek nêj leŋviŋkupik sa. Yêlô adum aêj ek miŋ nanêm malaiŋ te êndêj môlô ami. ¹⁰Môlô lôk Wapômbên oyala nena yêlô bôk adum kobom mathen lôk thêthôn ma kambom mi hêk avômalô maleŋiŋ hadêj môlô avômalô takatu ba ôêvhaviŋ. ¹¹^hMa môlô oyala nena yêlô bôk adum hadêj môlô tomtom hatôm lambô hayabiŋ nali. ¹²Ba asonj môlô lokwaŋ lôk athô môlô ba aya ma aêv auk mavi ek nômô êtôm Wapômbên anêj lahaviŋ. Yani ma ôpatu ba halam môlô ek nômô anêj loŋ lôkliŋyak lôk lôkmaŋgiŋ kapô.

¹³ⁱMa yêlô athak anaj leŋiŋmavi hadêj Wapômbên hatôm wak nômbên intu hathak yêlô bôk anaj Wapômbên anêj abô hadêj môlô ba olaŋô ba ôêvhaviŋ nena abô êj ma Wapômbên da anêj abô, ma miŋ nosonj nena anyô late anêj abô ami. Mi, abô êj ma halêm anêj Wapômbên ba hadum ku hamô môlô jê ôêvhaviŋ kapôlômim. ¹⁴^jAiyaŋ thêlô, môlô bôk owa vovaŋ hatôm Wapômbên anêj avômalô anêj Israeŋ takatu ba êvhaviŋ Yisu Kilisi. Môlô da unim avômalô bôk êv vovaŋ hadêj môlô hatôm avômalô Israeŋ bôk êv hadêj iniŋ avômalô takatu ba êvhaviŋ Yisu. ¹⁵^kAvômalô Israeŋ êj bôk ik Anyô Bêj Yisu lôk plopet pôpônô ma êv yêlô vê haviŋ. Wapômbên miŋ lamavi hathak thêlô ami, ma thêlô ethak êpôlik ek avômalô pik sapêj ¹⁶ba idum ek nimiŋ yêlô loŋ siŋ ek miŋ nanaŋ Wapômbên anêj abô êndêj jê loŋ buyaŋ ek Wapômbên nêj thêlô bulubiŋ ami. Ba intu thêlônij kambom hathak halumbak ba Wapômbên anêj lamanij lêk hayô hamô i yôv.

Pol lahiki ek ênjê avômalô Tesalonaika

¹⁷Aiyaŋ thêlô, bôk êv yêlô vê hêk môlô vauna ba abitak hatôm avômalô balonj, ma doŋtom yêlô kapôlônij hamô haviŋ môlô denaŋ. Ba intu yêlô leŋiŋhiki bêj anônj ek nagê môlô, lôk adum lôklokwaŋ ek nasôk esak loŋbô. ¹⁸Yêlôaniŋ auk lôklokwaŋ ek nasôk nagê môlô ma ya Pol yahadam lôbôlônj ek yasôk, ma doŋtom Sadaŋ hamiŋ yêlô loŋ siŋ. ¹⁹^lMalê te intu tem indum yêlô maleŋiŋ mavi lôk leŋiŋmavi lôk êtôm kuluŋ kêkêlô atu ba nêj athêj bêj êndêj yêlô ênjêk Anyô Bêj Yisu thohavloma êndêj waklavônj endelêm? Môlô iyom! ²⁰Avanônj, môlô ma yêlôaniŋ lôkmaŋgiŋ lôk leŋiŋmavi anônj.

Pol hêv Timoti hi Tesalonaika

3 ¹^mBôk yêlô leŋiŋmalaiŋ hathak môlô ba miŋ hatôm nayabiŋ sawa daim ami. Ba intu yêlô leŋiŋhabi nena yai iyom namô Atens ²ⁿma nanêm Timoti êsôk. Yani ma yêlôaniŋ aiyaŋ ba yêlô lôkthô ma

^h 2:11-12 Ap 20:31 ⁱ 2:13 2Te 2:13 ^j 2:14 Ap 17:5 ^k 2:15 Ap 9:23,29; 13:45,50; 14:2,5,19 ^l 2:19 Plp 2:15-16; 4:1; 2Te 1:4 ^m 3:1 Ap 17:15 ⁿ 3:2 Ap 16:1-3

Wapômbên anêḡ ḡe ku haviḡ i ek anaḡ Kilisi anêḡ Abô Mavi bêḡ. Yêlô êv yani ek embatho môlô loḡ lôk êsô môlô liḡ esak unim ôêvhaviḡ ³ek malaiḡ lomaloma miḡ imbuliḡ môlô ami. Môlô bôk oyala yôv nena Wapômbên bôk hatak malaiḡ takêḡ ek êpôm alalô takatu ba aêvhaviḡ. ⁴Sêbôk atu ba yêlô amô haviḡ môlô ma anaḡ lôbôlôḡ nena tem alalô naja malaiḡ lomaloma. Ma môlô oyala nena nôḡ takêḡ lêk habitak yôv. ⁵Ba intu miḡ hatôm yêlô namô sawa daim ami ba yahêv Timoti hathôk ek êḡḡê môlônim ôêvhaviḡ. Yakô ek anyô halôk avômalô leḡḡiḡ atu^p esau môlô ba yêlôaniḡ ku takatu ba adum hathak môlô tem imbitak êtôm nôḡ oyaḡ.

Timoti hêv Pol thêvô hathak Tesalonaika iniḡ êvhaviḡ

⁶Ma lêk Timoti hatak môlô ba halêm hathak loḡbô ma hawa abô mavi hathak môlônim ôêvhaviḡ lôk lemimhaviḡ. Yani hanaḡ nena môlô othak lemimhabi yêlô lôk lemimmavi. Ma lemimhaviḡ lôklokwaḡ ek ôḡḡô yêlô ma yêlô aêḡ iyom. ⁷Ba intu aiyaḡ thêlô, môlônim ôêvhaviḡ hêv yêlô thêvô hathak malaiḡ lôk vovaḡ lomaloma takatu ba hapôm yêlô. ⁸Êḡ ma yêlô ayala nena môlô umiḡ lôklokwaḡ hathak Wapômbên ba intu hadum yêlô amô lôkmala hathak loḡbô. ⁹Ma yêlô abô ba leḡḡimavi anêḡ dôêḡ hathak môlô hêk Wapômbên ma ba intu miḡ hatôm nabam leḡḡimavi êḡ katô êndêḡ Wapômbên ami. ¹⁰Wak lo bôlôvôḡ ma yêlô atêḡ mek lôklokwaḡ ek nasôk nagê môlô lôk nanêm môlô sa esak nôḡ takatu ba mi denaḡ ek unim ôêvhaviḡ injik lôkanôḡ.

Pol hateḡ mek hathak avômalô Tesalonaika

¹¹Alalôaniḡ Kamik Wapômbên da lôk alalôaniḡ Anyô Bêḡ Yisu tem nepesaḡ loḡôndê thêthôḡ te ek yêlô nasôk nagê môlô. ¹²Ma Anyô Bêḡ indum ek môlô lemimimbiḡ avômalô êvhaviḡ lôk avômalô sapêḡ bêḡ anôḡ êtôm yêlô adum hadêḡ môlô. ¹³Ma yani embatho môlô kapôlôdim loḡ ek môlô nôḡmô matheḡ ma kambom mi êḡḡêk alalôaniḡ Kamik Wapômbên ma êndêḡ wak atu ba alalôaniḡ Anyô Bêḡ Yisu endelêm imbiḡ anêḡ ḡê matheḡ.

Nasopa Wapômbên anêḡ lahaviḡ

4 ¹Yôv, aiyaḡ thêlô, yêlô bôk adôḡ môlô hathak Wapômbên anêḡ loḡôndê nôḡmô lo nombeḡ ek nundum yani lamavi ma lêk osopa yôv. Ma yêlô asoḡ môlô lokwaḡ hathak Anyô Bêḡ Yisu anêḡ athêḡ nena nosopa loḡôndê êḡ mathalaleḡ. ²Môlô oyala abô takatu ba yêlô bôk aêv hadêḡ môlô hathak Anyô Bêḡ Yisu anêḡ lôklokwaḡ yôv.

^o 3:3 2Ti 3:12 ^p 3:5 Anyô êḡ ma Sadaḡ. ^q 3:6 Ap 18:5 ^r 3:7 2Te 1:4

^s 3:11 2Te 2:16-17

³Êntêk ma Wapômbêj anêj lahaviņ nena mólô numbitak mathej ba notak sek waliliņ. ⁴Yani lahaviņ mólô tomtom noyabiņ unim kupik êtôm Wapômbêj anêj ek avômalô lôkthô nebam. ⁵Minj thetharjak êmbôv o inarj nê daluk ami. Thêlô minj eyala Wapômbêj ami. ⁶Ma minj mólô nosau mólôviyarj ba nundum sek esak vêņi ami. Yêlô bôk anarj lôklokwarj hadêj mólô yôv nena Wapômbêj tem nêmvovarj viyarj esak nômv takêj lôkthô. ⁷Wapômbêj minj halam alalô ek namô lelaik ami. Mi, halam alalô ek namô mathej. ⁸Aêj ba ôpatu ba hadô abô êntêk ma hadô Wapômbêj atu ba hêv anêj Lovak Mathej hadêj mólô. Ma minj hadô anyô iyom iniņ abô ami.

Alalô leņiņimbiņ avômalô

⁹Wapômbêj bôk hadôj mólô yôv hathak kobom leņiņimbiņ mólôviyarj ba intu yêlô minj hatôm nato abô esak kobom êj ami. ¹⁰Mólô bôk udum aêj hadêj mólôviyarj takatu ba êmô malak nenanena anêj plovins Masedonia kapô. Ma doņtom aiyarj thêlô, yêlô asoņ mólô lokwarj ek nundum aêj mathalalej. ¹¹Ma nundum ek nômvô labalina lôk noyabiņ amda unim ku. Ma nundum ku ek nômv am sa êtôm atu ba yêlô bôk anarj hadêj mólô yôv. ¹²Nundum aêj ek minj nômv malaiņ êndêj anyô yarj ek eyabiņ mólô ami, lôk nê takatu ba minj êvhaviņ ami tem nêgê mólônim kobom nena mavi anôj.

Waklavôņ Yisu endelêm

¹³Aiyarj thêlô, yêlô leņiņhaviņ mólô noyala katô esak malêla takatu ba tem êpôm nê êvhaviņ takatu ba bôk ema yôv. Yakô mólô kapôlômim malaiņ êtôm nê daluk takatu ba minj êv maleņiņ ek nimbiyô esak loņbô ami. ¹⁴Alalô êvhaviņ nena Yisu hama ba haviyô hathak loņbô. Ba intu alalô aêvhaviņ nena nê êvhaviņ Yisu takatu ba bôk ema yôv ma tem Wapômbêj injik i liņ êtôm hik Yisu liņ ba nimbiyô esak loņbô ba nêlêm imbiņ Yisu. ¹⁵Êntêk ma Anyô Bêj Yisu da anêj abô takatu ba lêk yêlô anarj. Alalô takatu ba amô lôkmala denarj ma Anyô Bêj anêj waklavôņ endelêm hayô ma tem minj ana namôj ek avômalô takatu ba bôk ema yôv ami. ¹⁶Mi, Anyô Bêj da tem êndôk anêj leņ lôk kaêk ma aņela bêj atu tem endam ma Wapômbêj anêj lavuak tem niyuv. Êj ma nê ņama takatu ba bôk êvhaviņ Kilisi tem nimbiyô môj. ¹⁷Êj ma Wapômbêj tem isup alalô takatu ba amô lôkmala denarj lôk nê ņama takatu ba êvhaviņ ek napôm Anyô Bêj êndôk buliv. Ma tem namô imbiņ yani wak nômv intu sapêj. ¹⁸Aêj ba nômv am da thêvô esak abô êntêk.

† 4:3 1Te 5:23; 1Pi 1:16 † 4:4-5 1Ko 6:13 † 4:7 Hib 12:14; 1Pi 1:15-16 † 4:8 Luk 10:16; 2Ko 1:22 † 4:9 Jon 13:34 † 4:11 Ep 4:28 † 4:14 Lom 14:9; 1Ko 15:3-4,12
 † 4:15-16 1Ko 15:51-52

Nôpôpêk am ek Anyô Bêj anêj endelêm

5 ¹Aiyañ thêlô, yêlô miñ hatôm nato abô êndêj mólô esak wak lo ayôñ alê intu ba Anyô Bêj tem endelêm esak loñbô ami. ²^bMi. Mólô bôk oyala yôv nena Anyô Bêj anêj waklavôñ ma tem êlêm êtôm anyô vani halêm hadêj bôlôvôñ. ³^cAvômalô tem nenañ nena, “Alalô lêk amô mavi ma malaiñ mi.” Êñ ma kethej oyañ ma malaiñ bêj tem imbuliñ thêlô êtôm vovañ hapôm avi lôk lasabeñ ek embathu. Ba tem miñ nêsôv ami.

⁴Ma doñtom, aiyañ thêlô, mólô miñ ômô momañiniñ ek waklavôñ êñ indum mólô noboloba êtôm anyô vani te ami. ⁵^dMi, alalô sapêj ma wak lo deda iniñ avômena ma miñ bôlôvôñ lo momañiniñ iniñ ami. ⁶Ba intu napuki loñ ba namô lêlê ma miñ nangêk êtôm avômalô vi ami. ⁷Ma vi atu ba êk sôm, ma êk hadêj bôlôvôñ. Ma vi atu ba inum waiñ ba elo molo, ma elo molo hadêj bôlôvôñ. ⁸^eMa doñtom alalô ma wak anêj ba intu napuki loñ. Ma alalôaniñ aêvhaviñ lôk leñihaviñ tem êtôm moko biñdaluk. Ma nanêm maleñ ek waklavôñ Wapômbêj nêm alalô bulubiñ tem êtôm akôk kuluñ vovak.

⁹Wapômbêj hatak alalô ek nêm alalô bulubiñ esak alalôaniñ Anyô Bêj Yisu Kilisi ma miñ hatak alalô ek naja anêj lamanij ami. Mi. ¹⁰^fYani hama ek alalô ba intu alalô amô lôkmala mena ama ma hatôm amô lôkmala haviñ yani. ¹¹Aêj ba nôñêm amda thêvô lôk nobatho am loñ êtôm intu othak udum.

Ñê êvhaviñ iniñ loñôndê nesopa

¹²Aiyañ thêlô, yêlô anañ ek mólô nodovak ñê takatu ba idum ku bêj hathak mólô lôk eyabiñ mólô hathak Anyô Bêj anêj ku lôk ik auk mavi thô hadêj mólô ek notak kobom kambom. ¹³Ma lemimimbiñ i ba nôñêm athêj bêj êndêj ñê takêj esak iniñ ku. Ma nômô yôhók mavi imbiñ am.

¹⁴^gAêj ba aiyañ thêlô, yêlô asoñ mólô lokwañ ek nonañ lôklokwañ êndêj ñê ku mi ek nindum ku lôk nôñêm ñê takatu ba êkô thêvô ma nôñêm ñê vau hathak êvhaviñ sa. Ma nômô maliñyaô imbiñ avômalô sapêj. ¹⁵^hNoyabiñ am ek wak nômbêj intu ma nundum mavi imbiñ am lôk avômalô sapêj. Ma mólô te miñ injik anyô yañ anêj kambom liliñ ami. Mi.

¹⁶ⁱWak nômbêj intu sapêj ma lemimmavi. ¹⁷Lôk noteñ mek ma miñ notak ami. ¹⁸^jMa nôñêm lemimmavi êndêj Wapômbêj esak malêla takatu ba habitak. Wapômbêj anêj lahaviñ nena mólô takatu ba ômô

^b 5:2 Mat 24:42-43; 2Pi 3:10; ALK 3:3 ^c 5:3 Mat 24:39; Luk 21:34-35 ^d 5:5 Lom 13:12

^e 5:8 Ais 59:17; Ep 6:14,17 ^f 5:10 Lom 14:8-9; 1Te 4:14 ^g 5:14 2Te 3:6,11

^h 5:15 Lom 12:17; 1Pi 3:9 ⁱ 5:16 Plp 4:4 ^j 5:18 Ep 5:20

haviŋ Yisu Kilisi nundum aêŋ. ¹⁹^kMa miŋ numiŋ Lovak Matheŋ anêŋ ku loŋ siŋ ami. ²⁰Lôk miŋ nôndô abô plopet takatu ba Lovak Matheŋ hêv hadêŋ môlô ami. ²¹^lNoyawê nômkama sapêŋ ma nobaloŋ nôm takatu ba mavi loŋ. ²²Ma nobasiŋ am ek kambom lomaloma sapêŋ.

²³^mWapômbêŋ da ma yôhok anêŋ ôdôŋ ba tem indum môlô numbitak matheŋ anôŋ lôk eyabiŋ unim dahôlômim lôk auk ma kupik dedauŋ mavi ek kambom mi êndêŋ waklavôŋ atu ba alalôaniŋ Anyô Bêŋ Yisu Kilisi endelêm. ²⁴Ôpatu ba halam môlô hathak hasopa anêŋ abô ba tem indum aêŋ ek abô takêŋ injik anôŋ.

²⁵ⁿAiyaŋ thêlô, noteŋ mek ek yêlô. ²⁶Ma nokam môlôviyaŋ esak kobom yôhok matheŋ. ²⁷Yahanaŋ lôklokwaŋ hathak Anyô Bêŋ anêŋ athêŋ nena nosam kapya êntêk êndêŋ môlôviyaŋ lôkthô.

²⁸Alalôaniŋ Anyô Bêŋ Yisu Kilisi anêŋ wapôm êmô imbiŋ môlô sapêŋ.

^k 5:19 Ep 4:30 ^l 5:21 1Jon 4:1 ^m 5:23 2Te 3:13 ⁿ 5:25 Kol 4:3; 2Te 3:1